



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13 i 89/16) i člana 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2016. GODINU I POSTIZBORNOG FINANSIJSKOG IZVJEŠTAJA - LOKALNI IZBORI 2016. GODINE **HRVATSKOG SAVEZA HKDU - HRAST**

Broj: 03-07-6-631/17
Sarajevo, 24.08.2018. godine

SADRŽAJ

1. UVOD.....	3
2. PREDSTAVLJANJE POLITIČKE STRANKE.....	3
3. OPIS PREGLEDA I KONTROLE FINANSIJSKOG IZVJEŠTAJA	3
Predmet pregleda i kontrole.....	3
Cilj pregleda i kontrole.....	3
Obim pregleda i kontrole.....	3
4. PRETHODNE KONTROLE I REVIZIJE.....	4
5. NALAZI I PREPORUKE REVIZIJE.....	4
5.1 NALAZI.....	4
5.2. PREPORUKE.....	5

MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) izvršila je reviziju finansijskih izvještaja Hrvatskog saveza HKDU - HRAST za 2016. godinu, i to: godišnjeg finansijskog izvještaja za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo izvršili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Revizijom godišnjeg finansijskog izvještaja za 2016. godinu, utvrđeno je da je Hrvatski savez HKDU - HRAST prekršio odredbe člana 12. stav (1) i stav (4) Zakona o finansiranju političkih stranaka.

Prema našem mišljenju, osim navedenog, revidirani finansijski izvještaj ukazuje da je Hrvatski savez HKDU - HRAST u 2016. godini postupao u skladu sa odredbama Zakona o finansiranju političkih stranaka i člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju finansijskih izvještaja Hrvatskog saveza HKDU - HRAST za 2016. godinu, i to: godišnjeg finansijskog izvještaja za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka. Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Hrvatski savez HKDU – HRAST finansirao se iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,05	0,01
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	600,00	1,88
7.	Prihodi iz budžeta (3-f)	31.270,00	98,11
8.	Prihodi od propagande (3-g)	0,00	0,00
I	Ukupni prihodi (1-8)	31.870,05	100,00
II	Ostali prihodi i drugo	0,00	0,00
	Izvori finansiranja (I+II)	31.870,05	100,00

U godišnjem finansijskom izvještaju stranka je iskazala rashode u ukupnom iznosu od 31.240,21 KM.

2. PREDSTAVLJANJE POLITIČKE STRANKE

Naziv političke stranke je Hrvatski savez HKDU-HRAST. Skraćeni naziv je HS H-H.

Politička stranka Hrvatski savez HKDU-HRAST je registrovana kod Općinskog suda u Mostaru, Rješenjem broj: R/3-14 od 14.04.2014. godine.

Sjedište stranke je u Čitluku, Športska dvorana bb.

Lica ovlaštena za zastupanje političke stranke su Pero Barbarić, predsjednik i Pero Selak, predsjednik Nadzornog odbora.

Lice ovlašteno za podnošenje finansijskih izvještaja za 2016. godinu je Ana Prskalo.

Prema podacima iz godišnjeg finansijskog izvještaja za 2016. godinu, Hrvatski savez HKDU-HRAST nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet revizije je godišnji finansijski izvještaj Hrvatskog saveza HKDU - HRAST za 2016. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Cilj revizije je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Hrvatski savez HKDU – HRAST u izvještajnom periodu postupao u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH.

Obim revizije finansijskih izvještaja Hrvatskog saveza HKDU - HRAST obuhvata kontrolu finansijske dokumentacije i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta.

4. PRETHODNE KONTROLE I REVIZIJE

Služba za reviziju je izvršila pregled godišnjeg finansijskog izvještaja Hrvatskog saveza HKDU-HRAST za 2015. godine, nakon koga je izdat izvještaj o pregledu sa nalazima revizije i mišljenjem revizora da je stranka postupala u skladu sa Zakonom o finansiranju političkih stranaka i Pravilnikom o godišnjim finansijskim izvještajima političkih stranaka.

5. NALAZI I PREPORUKE REVIZIJE

5.1 NALAZI

a) Hrvatski savez HKDU - HRAST prekršio je odredbe člana 12. stav (1) i stav (4) Zakona o finansiranju političkih stranaka.

Na osnovu obavljene revizije godišnjeg finansijskog izvještaja i prikupljene finansijske dokumentacije, utvrđeno je da Hrvatski savez HKDU - HRAST nije u skladu sa računovodstvenim propisima i odredbama Zakona o finansiranju političkih stranaka uspostavio adekvatne evidencije o svojim obavezama i blagajničkom poslovanju niti je godišnji finansijski izvještaj popunio u skladu sa odredbama Pravilnika o godišnjim finansijskim izvještajima političkih stranaka-u daljem tekstu: Pravilnik, čime su prekršene odredbe člana 12. stav (1) i stav (4) Zakona o finansiranju političkih stranaka.

(1) Uvidom u blagajničku dokumentaciju utvrđeno je da je stranka za gotovinska plaćanja iz blagajne vršila podizanje novca sa transakcijskog računa i izvršila polog u blagajnu u periodu od 01.01.2016. do 31.07.2016. godine u ukupnom iznosu od 17.160,00 KM, a da je prvo plaćanje gotovinom izvršeno u julu u iznosu od 117,00 KM.

S obzirom da je od ukupnih 34.827,69 KM gotovinskih sredstava, na blagajni isplaćeno 8.519,17 KM, stranka je odstupila od propisa¹ i principa blagajničkog poslovanja. Podizanje gotovine sa transakcijskog računa i njen polog na blagajnu vrši se u slučaju kada u blagajni nedostaju gotovinska sredstva za tekuće potrebe.

Takođe, utvrđeno je i to da na blagajničkim nalozima za naplatu odnosno isplatu gotovinskih sredstava nedostaje potpis lica koje je uplatilo odnosno primilo sredstva, što je suprotno blagajničkom poslovanju.

Pored navedenog, stranka nije izvršila popis blagajne na dan 31.12.2016. godine, iako je u poslovnim knjigama i finansijskom izvještaju iskazala sredstva u blagajni na dan 31.12.2016. godine u iznosu od 26.308,52 KM.

(2) U obrascu 4.2 finansijskog izvještaja (Troškovi kampanje) stranka je iskazala račune za emitovanje Božićnih i Uskršnjih čestitki u iznosu od 245,70 KM. Navedeni troškovi se ne smatraju troškovima predizborne kampanje, te je stranka pogrešnim iskazivanjem neosnovano uvećala troškove kampanje za navedeni iznos, čime je prekršila odredbe člana 21. i 23. Pravilnika.

¹ Uredba o uslovima i načinu plaćanja gotovim novcem Federacije BiH („Službene novine Federacije BiH“ broj 72/2015)

(3) Hrvatski savez HKDU - HRAST u obrascu 5 (obaveze političke partije) finansijskog izvještaja nije adekvatno iskazao svoje obaveze, čime je prekršila odredbe člana 24. Pravilnika.

Stranka je iskazala obavezu prema pravnom licu Hotel Brotnjo doo u manjem iznosu za 83,50 KM. Uvidom u izvod otvorenih stavki utvrđeno je da je stranka iskazala obavezu na dan 31.12.2016. godine prema pravnom licu Hotel Brotnjo doo u iznosu od 3.861,00 KM, dok su prema izvodu otvorenih stavki potraživanja pravnog lica od stranke na dan 31.12.2016. godine iznosila 3.944,50 KM.

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM² po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije BiH, Hrvatski savez HKDU - HRAST je u svrhu izborne kampanje mogao da potroši 23.802,85 KM.

Hrvatski savez HKDU - HRAST je u godišnjem finansijskom izvještaju za 2016. godinu iskazao troškove kampanje u iznosu od 23.239,71 KM.

5.2. PREPORUKE

Preporučuje se Hrvatskom savezu HKDU - HRAST da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi adekvatne evidencije o svojim obavezama,*
- *da finansijske izvještaje koje podnosi Centralnoj izornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

Takođe, preporučujemo:

- *da stranka u potpunosti primjenjuje principe i pravila blagajničkog poslovanja, a ne djelimično, kako je to do sada činila.*

KOMENTAR

Hrvatski savez HKDU - HRAST nije se očitovao na nalaze revizije u Preliminarnom izvještaju o reviziji godišnjeg finansijskog izvještaja za 2016. godinu.

Šef Odsjeka za revizijske poslove

Sanja Tošović

Revizor

Veliborka Kenjić

Šef Službe za reviziju, revizor

Mr.sc Hasida Gušić

² Član 15.10 stav 2. Izbornog zakona propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.